



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliæ Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

19. An eadem certitudo de Fide sit tenendum Papam non posse errare  
circa Beatificationem Sanctorum? Ex part. 11. tract. addit 2. res. etiam 19.

---

[urn:nbn:de:hbz:466:1-76442](#)

sitiones) damnatur in Concil. Constanienti sej. 8. Quod sit suspectus de heresi appetet; nam quodam modo illam sapit sententia, quae negat hanc beatitudinem, quia videtur negare vel authoritatem in Papa ad Sanctos canonizandos, vel quod Sancti non sunt digni tali honore.

6. Sed mihi magis placet opinio aliorum assentientium esse de fide, Pontificem errare non posse in canonizatione Sanctorum, & ita tenet Valentia tom. 3. disp. 1. quest. 1. punct. 7. §. 40. Turrianus in 2.2. tom. 1. disp. 17. dub. 6. Castrus Palau tom. 1. tr. 4. disp. 1. punct. 5. §. 4. num. 2. Verricelli in quest. moral tract. 8. quest. 25. num. 2. Amicus in cursu Theologia, ubi infra num. 13. Arriaga tom. 5. disp. 9. sect. 5. num. 28. & alii, firmantes, Papam in canonizationibus non solum errare non posse, sed id esse de fide.

7. Rationes vero pro hac sententia videbis apud Authores citatos, qui etiam respondent ad omnia argumenta, quae in contrarium possent adduci. Verum circa presentem difficultatem ne deseras recognoscere doctissimum Magistrum Grauinam in conuersu tom. 4. part. 2. fol. 362.

#### RESOL. XIX.

An eadem certitudine de Fide sit tenendum Papam non posse errare circa beatificationem Sanctorum? Ex part. 11. tract. addit. 2. Ref. etiam 19.

§. 1. Afirmatiuam sententiam tenet Castrus Palau tom. 1. tract. 4. disp. 5. punct. 5. §. 5. num. 4. Megalius verb. Canonizatio num. 1. & ex ipsis nouissime Pater Verricelli in qq. moral. tract. 8. quest. 25. n. 3. Itaque dicendum videtur de fide esse Pontificem non posse errare in canonizatione, neque in beatificatione. Probat, quia ex errore vtriusque eadem sequentur absurdia, & incommoda, & ad vtrumque actum praecedit inquisitio vita, & sanctitatis, & miraculorum beatificandi, vel canonizandi. Quod autem sit maior, vel minor, non videtur inferre in uno actu maiorem certitudinem, quam in alio, si quidem vtraque inquisitio debet esse prudens, & grauis.

2. Secundum, quia sicut pertinet ad Religionem, quod aliquis proponatur colendus toti Ecclesiae vt Sanctus. Et circa materiam Religionis non potest Pontifex errare, ita quod proponatur certa Provincia, aut Religioni, est res pertinentes ad Religionem, & ita oportet, ut non possit errare, sicut neque circa decretalia morum. Et hanc docuerunt non pauci viri docti in Italia, & Hispania.

3. Verum licet haec opinio sit satis probabilis, tamen ego magis adhæreo negatiæ sententia, quam tuerit Amicus in cur. Theol. to. 4. disp. 7. sect. 4. num. 98. vbi sic ait: Non est de fide Pontificem errare non posse in beatificatione, prout beatificatio conditetur à canonizatione: est tamen ita certum, vt oppositum sit ad minimum temeratum, scandalosum, & errori proximum. Prior pars facile probatur. Etenim si esset de fide, beatificatum esse in Cœlis, in canonizando Pontifex non vltius procederet, maiorem diligentiam, nouumque examen instituendo de sanctitate canonizandi: quia quod est fide certum, non eger vltiori certitudine. Atqui Pontifex post beatificationem, si ad canonizationem procedeat, non est contentus priore examine, & diligentia pro beatificatione facta, sed instruit nouum examen, non vngue diligentiam, idque non ad externa dumtaxat solemnitatem, & pompan, sed ad maiorem certitudinem de sanctitate canonizandi habendam, & vt

praxis & stylus curia docet.

4. Posterior pars constat, quia cum beatificatio sit potissimum medium ad canonizationem; est enim via ad illam, vt Pontifices in Bullis beatificationis declarant, temeratum est, & errori proximum negare beatificatum esse in Cœlis. Nam licet illam Pontifex non definit, eum tamen colendum proponeat alicui Provincia, vel Religioni, quousque ad eius canonizationem veniat.

5. Obiicitur. Omnes honores, & cultus, qui exhibent canonizatis, exhiberi possunt Beatificis, ergo eadem certitudine certum est, Beatificatum esse in Cœlis, ac canonizatum. Respondeo primò negando consequentiam canonizatis exhibentur vt debiti, & à Pontifice auctoritate Apostolica definiti: Beatificatis vero solum ut permitti. Respondeo secundò negando antecedens; nam canonizatis in eorum cultum, & honorem erigi possunt templi, ab omnibus sacrum offerri, & officium recitari, Beatificatis vero nec Templi erigi possunt, nec ab omnibus sacrum offerri, & officium recitari, nisi dumtaxat ab iis, quibus in Bulla expresse conceditur. Solum enim Beatificatis erigi possunt altaria, & quidem ab iis tantum, quibus conceditur posse sacrum offerri, non autem ab aliis, quibus non permittitur sacrum offerri. Præterea sacram & officium de canonizato potest cum octava celebrari, non autem de beatificato, nisi de expressa licentia Pontificis. Idem dicendum de sacro votivo; cum non possint alii honores, & cultus beatificatis exhiberi, quam qui in Bulla ipsa Beatificationis exprimitur. Nam hoc ipso, quod tales honores, & cultus restringuntur ad certam Religionem, certumque locum, consentaneo etiam restringi ad certum genus honoris, & cultus nempe ad illud; quod in Bulla exprimitur. Licet autem beatificatis altaria erigi ab iis, quibus conceditur in ipsorum honorem, sacram offerri, quia hic honor est intrinsecè connexus cum ipso cultu sacrificij, cum nequeat nisi in altari sacrificium offerri. Eadem est ratio de imagine cum radiis pingenda, vel sculpenda etiam publice. Hucusque Pater Amicus.

6. Hanc etiam sententiam docet Atriaga in cursu Theo. to. 5. disp. 9. sect. 6. & sopponit, quod beatificatio prout de facto, & in vlo, est quedam licentia data per Bullam à Summo Pontifice, ut aliqua persona in aliqua determinata Provincia, Episcopatu, aut Religione coli possit, ut existens in Cœlo, conceditur autem ea præmio diligentij examine vita, & miraculorum, aut auditia sententia Cardinalium Congregationis titulus, in modo etiam Auditorum, seu Iuristarum Rota. Vnde has differentias inter eam, & canonizationem obseruo.

7. Prima, & principalis, quod non vitetur Pontifex verbo vlo direkte declarante, aut definiente talen Sacrum esse in gloria: solum dat licentiam vt colatur: est ibi implicitè videatur supponere omnino illum in gloria esse, quia non possunt tales honores exhiberi nisi homini Beato, seu Deo fruenti.

8. Secunda differentia est, quod beatificatio non est ultimum iudicium Ecclesie in causa sanctitatis talis personæ: sed proceditur deinde ad nouum examen, testes, miracula, &c. antequam ad canonizationem veniat, que est iudicium ultimum, post quod nihil amplius discentur.

9. Tertia differentia est, quod Beatificatio esse solet limitata, vt dixi, ad unam provinciam, &c. ac canonizatio extendit se ad totam omnino Ecclesiam, ut omnes de eo celebrare, &c. recitare etiam Diuinium Officium possint; nam licet teneantur ex Bulla Pij V. orare iuxta Breuiarij Rubricas: si tamen quis

## 360 Tract. V. De Infallibilitate Decret.

quis velit ex devotione duo Officia orare, poterit sine dubio de eo Sancto: at neque hoc modo licet omnibus de solum Beatificato orare.

10. Quarta differentia, qua tamen videtur esse accidentaria, est major solemnitas canonizationis pra Beatificatione: haec enim sine villa planè fit; illa vero cum maxima pompa, & cum consensu vniuersali Cardinalium, & Prælatorum, præmissis precibus, & quæsto a Cardinalibus omnibus, aliisque consensu. Haec sunt differentiae inter Beatificationem, canonizationemque; ex quibus breuiter, & solidè deducitur, quid sic dicendum quoad infallibilitatem Beatificationis.

11. His suppositis ab Arriaga, postea sic asserit: Non videtur esse de fide, Papam non posse errare in Beatificatione. Hac est valde communis inter recentiores, qui de beatificatione egerunt: & suadetur meo iudicio ferre evidenter ex secunda differentia *supra* posita: etenim si fide certum esset Beatificatum esse in Cœlo, gratis, immo in iniuriam certitudinis fidei inquireretur; deinde in vitam eius, & noua testimonia exigentur ad probandum cum esse in Cœlo sicut si fuerint iam ad declarandum sanctum Petrum esse Beatum: ergo supponitur res adhuc non esse omnino certa certitudine fidei. Idem secundum probatur ex prima differentia, quia cum Pontifex non utatur in Beatificatione vlo verbo dei otante definitionem ( ex quo maximè *superius* argumentati sumus pro certitudine canonizationis) cessare videtur præcipuum argumentum eius infallibilitatis de fide. Tertiò ex tercia differentia suaderet, nam cum non permittratur cultus eius Sancti pro vniuersali Ecclesia, sed solum pro via aliqua Provincia, nec sit de fide, vnam, aut alteram Provinciam, aut Religionem errare non posse: ideo etiam non desumitur inde tam efficax argumentum pro ea certitudine, quam pro canonizatione. Quarò denique idem probo ex quarta differentia, quia illa ipsa maior solennitas preces illæ communes, assensu ille quasi totius Ecclesiæ, qui in canonizatione reputatur, est quædam dispositio ad hoc, vt Deus Papam errare non permittrat: et quæ generalis Ecclesiæ consensus, perinde ac si in Concilio vniuersali cum Papæ approbatione decidetur veritas aliqua. Hæc autem omnia cessant in Beatificatione: ergo cessat vnum ex maximis fundamentis pro hac certitudine fidei. Et hæc omnia docet Arriaga *vbi supra*.

12. Et tandem huic sententiæ adhæret Turrianus in 2.2. tom. 5. disput. 17. dub. 6. qui tamen optimè, & verè obseruat, in quo omnes conueniunt esse temerarium, & scandalosum, & impium asserere Pontificem posse errare in Beatificatione Sanctorum. Temerarium quidem, quia sentiret contra communem sensum non solum Doctorum, sed etiam omnium fidelium. Item sine idoneo arguento iudicaret Pontificem errare in re tam graui, & ad quam semper præcedunt tot diligentiæ, & inquisitiones prudentes.

13. Deinde in hac materia esset scandalosum, ex qua potest orihi aliquod scandalum in animas fidelium, ut dicimus *suo loco ad questionem primam*. Et certè non posset non poni obstaculum pietati fidelium, si audirent aliquem dicentem, Pontificem errasse in beatificatione aliquiū Sancti.

14. Impium autem dicitur, quia est contra Christianam Religionem, & cultum Sanctis debitum. Et ideo S. Thomas quolibet illo 6. art. ultimo, dixit piè credendum esse, Pontificem non errare in Sanctorum canonizatione. Deinde sicut Bañez, & alii dicunt, sapere hæresim asserere Pontificem errare posse in canonizatione, quia videretur velle negare potesta-

tem canonizandi: ita qui diceret Pontificem posse errare in Beatificatione, esset suspectus de hæretice, quia videretur velle negare potestatem esse in Pontifice ad beatificandum hominem aliquem. Ita Turrianus, & ego.

### RESOL. XX.

*An præcisè ex vi solius Beatificationis, quod anima Beatificati sit in gloria, remaneat tantum intra latitudinem probabilitatis, & certitudinis moralis?* Ex p. 11. tract. addit. 2. Ref. etiam 20.

§. 1. **A**ffirmatiqam sententiam ( attendas quæsi domine Lector ) contra Turrianum solvit nouissime doctissimus Magister Ioan. de S. Th. in 2.2. D. Thom. disp. 9. art. 2. fol. 770. vbi sic ait: Totes tenet, quod esset impium, scandalosum, & temerarium dicere, quod Pontifex posset errare in beatificatione, aut quod anima Beatificati non esset in gloria, esse tamen magis temerarium, & magis scandalosum id affirmare de canonizato, ita solum certitudo canonizati, & beatificati differunt penes magis, & minus intra eamdem speciem.

2. Nihilominus supposita sententia *sup.* probata, quod beatificatio non sit iudicium de sanctitate aliquius, sed solum permisso ut possit publicè coli, & venerari. Existimo Pontificem præcè errare non posse in tali beatificatione; ita quod esset temerarius, & scandalosus, qui talem celebrationem negaret, aut talē cultum non esse exhibendū. Speculatim autem circa veritatem Sanctitatis talis personæ existimo quod ex vi solius beatificationis, id non excedit latitudinem certitudinis moralis, & probabilitatis maxime, ita quod oppositum non esset censura dignum. Et dico ex vi beatificationis præcise quia ex alio capite, v.g. si accedat assensus totius Ecclesiæ, aut maioris partis fidelium, multitudine miraculorum facta in confirmationem eius sanctitatis, & hoc longo tempore sit continuatum, ex hac parte fieri longe certius, & qui negaret sanctitatem talis personæ cum his circumstantiis esset censura temeritatis dignus.

3. Ratio, quæ me præcipue mouet, ea est, quia ut Ecclesia publicè celebret festum de aliquo tanquam de Sancto, sufficit probabilitas & moralis certitudo de sanctitate eius, non verò requiri iudicium, & sententia canonica, ut patet manifestè in celebratione festi Conceptionis Beatae Virginis, quod Ecclesia celebrauit: & tamen ipsam Ecclesia præcepit, ne possit villa censura notari opinio asserens nullus conceptum in peccato originali: ergo ut Ecclesia habeat iudicium practicum certum de celebratione aliquiū Sancti, non requiritur, quod habeat etiam iudicium speculativum certum de sanctitate, sed sufficiat moralis certitudo, aut opinio. Item etiam videntur, quod in materia Religionis, sive virtutum Ecclesia solum opinionem probabili, ut patet in dispensatione voti solemnis, & in dispensatione matrimonij rati non consummati: sicut autem votum pertinet ad virtutem Religionis, ita etiam veneratio Sanctorum ( ut *sup.* declarauimus ) ergo permisso, seu dispensatio, ut aliquis veneretur pro Sancto, non requirit maiorem certitudinem, quam moralē de eius sanctitate.

4. Ad hæc D. Thomas 3. p. 9. 27. art. 2. ad 2. ex eo quod Ecclesia Rom. suo tempore toleraret celebrationem festi Conceptionis, dicit eam consuetudinem non esse totaliter reprobandam, nec aliquid amplius inferit ex tolerantia talis celebrationis; sed beatificatio est concessio celebrationis de aliquo Sancto cum tolerantia